

Radyo an Norvys

(<http://www.dasunys.net/podcast.htm>)

Titel: Nowodhow an seythun (19/09/07)

Auctour: Matthew Clarke

Dydh: 19 Gwyngala 2007

Pesyans: 00:01:36

Matthew Clarke ov vy...

Yma tiogyon Kernow ow kodhevel ha kleves karn ha ganow yn Breten Veur arta.

Kales yw movya enyvales awos rewlys DEFRA hag yma own dhedha pupprys pan wrons chekkya aga gwarthek.

An kas erbynn treghi agan gonis tanlu yn Kernow a bes.

Yma kaskyrgh krev wosa towlennow dhe vos dyllys rag gorsavow tan yn Kambronn hag Aberfal.

Y'n eur ma, yma lu ena a-der-dro dhe'n klokk.

Byttegyns an konsel a garsa selwel arghans... hag a vynn treghi an gonis y'n nos.

Yma nowodhow leel yn-dann wodros yn Kernow.

Henn yw an won wosa ITV dhe dhylllo towlennow treghi stevellow nowodhow a-hys Breten Veur.

Ni a wra kelli Westcountry Live.

An nowodhow rag Kernow a vydh kuntellys omma... mes an dowlenn a wra kudha oll an 'soth-west' mar bell es Tewkesbury.

Yma kaskyrgh erbynn stroell hag atall y'n pow adro dhe Gernow.

Yma bagasow a dus a-hys an Ducheth ow klanhe trethow, parkow ha fordhow.

Byttegyns yma diwvogh rudhhes dhe bennrewloryon dhe'n konsel.

Unn bagas glanche re gavas yeynor koth an konsel gesys yn bownder gosel.

An konsel a grys y vos stroellys gans kowethas atall anlaghyl.